


土岐文庫
文庫17
W123
5



13-5

文庫 17
W123
5

杜工部集卷之十一目錄

○近體詩一百四首

蜀相

卜居

一室

梅雨

為農

有客

杜集卷十一目錄

一

玉勾草堂

昭和六十年二月一日贈
土岐善吉唐氏寄

010185185830

狂夫

賓至

上十五司馬弟出郭相訪兼遺營茅屋

費

堂成

田舍

進艇

西郊

所思

江村

江漲

野老

雲山

遣興

北鄰

南鄰

出郭

過南鄰朱山人水亭

恨別

寄賀蘭鈺

寄楊五桂州

逢唐興劉主簿弟

和裴迪登新津寺寄王侍郎

敬簡王明府

重簡王明府

建都十二韻

歲暮

和裴迪登蜀州東亭送客逢早梅見寄

寄贈王十將軍承俊

暮登西安寺鐘樓

散愁二首

奉酬李都督早春作

客至

遣意二首

漫成二首

春夜喜雨

春水

春水生二絕

江亭

村夜

早起

可惜

落日

獨酌

徐步

寒食

高栲

惡樹

石鏡

琴臺

聞斛斯六官未歸

遊修覺寺

後遊

題新津北橋樓

江漲

晚晴

朝雨

江上值水如海勢聊短述

送裴五赴東川

赴青城縣出成都寄陶王二少尹

因崔五侍御寄高彭州一絕

野望因過常少仙

寄杜位

奉簡高三十五使君

送韓十四江東覲省

贈杜二拾遺 高適

酬高使君相贈

草堂即事

魏侍御就弊廬相別

徐九少尹見過

范員外吳侍御枉駕

王侍御攜酒至草堂便請邀高使君同

到

王竟攜酒高亦同過

陪李司馬阜江上二首

李司馬橋了

少年行二首

野人送朱櫻

即事

贈花卿

杜工部集卷十一目錄
七
玉勾草堂

少年行

觀李固請司馬第山水圖三首

題桃樹

蕭八明府隄處覓桃栽

從韋二明府續處覓綿竹

憑何十一少府邕覓楳木栽

憑韋少府班覓松樹子

又於韋處乞大邑瓷盤

詣徐卿覓果栽

贈別何邕

贈別鄭鍊赴襄陽

重贈鄭絕句

杜工部集卷十一目錄終



杜工部集卷之十一

杜工部集卷之十一

近體詩一百四首 此下在成都作

蜀相

丞相祠堂何處尋 錦官城外柏森森 映階碧

草自春色隔葉黃 鷓鴣空一作多好音 三顧頻煩

吳作繁天下計兩朝開 濟老臣心出師未捷一作

用身先死長使英雄淚滿襟

卜居

上集卷十一

一

玉勾草堂

浣花流一作水水西頭主人爲卜林塘幽已
知出郭少塵事更有澄江銷客愁無數蜻蜓
齊上下一雙鷓鴣對沉浮東行萬里堪乘興
須向山陰上小舟

一室

一室他鄉遠一作空林暮景懸正愁聞塞笛
獨立見江船巴蜀來多病荆蠻去幾年一云
應同王粲宅畱井峴山前

梅雨

南京西一作浦道四月熟黃梅湛湛一作長
江去冥冥細雨來茅茨疎易濕雲霧密難開
竟日蛟龍喜盤渦與岸迴

爲農

錦里煙塵外江村八九家圓荷浮小葉細麥
落一作輕花卜宅從茲老爲農去國賒遠慚
勾漏令不得問丹砂

有客

草堂本
作賓至

幽棲地僻經過少老病人扶再拜難豈有文
章驚海內漫勞車馬駐江干竟日淹留佳客
坐百年麤糲腐儒餐不嫌野外無供給乘興
還來看藥欄

狂夫

萬里橋西一

一新云

草堂百花潭水即滄浪風

含翠篠娟娟靜雨哀紅蕖冉冉香厚祿故人
書斷絕恒飢稚子色淒涼欲填溝壑唯疎放
自笑狂夫老更狂

賓至

草堂本
作有客

患氣經時久臨江卜宅新喧卑方避俗疎快
頗宜人有客過茅宇呼兒正葛巾自鋤稀菜
甲小摘為情親

王十五司馬弟出郭相訪兼遺營茅屋

貲

客裏何遷次，江邊正寂寥。肯來尋一老，愁破
是今朝。憂我營茅棟，攜錢過野橋。他鄉唯表
弟，還往莫辭遙。

堂成

背郭堂成蔭白茅，綠江路熟俯青郊。楹林礙
日吟風葉，籠竹和煙滴露梢。暫止一作飛鳥
將數子，頻來語鶯定新巢。旁人錯比揚雄宅，
懶惰一作無心作解嘲。

田舍

田舍清江曲，一作柴門古道旁。草深迷市井，
地僻懶衣裳。唐顧陶作楊柳枝枝弱，枇杷樹樹
顧陶作香鷓鷄。西日照暉翅，滿魚梁。

進艇

南京久客耕南畝，北望傷神坐一作北窗。晝
引老妻乘小艇，晴看稚子浴清江。俱飛蛺蝶
元相逐，竝蒂芙蓉本自雙。茗飲蔗漿攜所有，

本集卷十一
姦嬰無謝玉爲缸

西郊

時出碧鷄坊西郊向草堂市橋官柳細江路

晉作野梅香傍架齊書帙看題滅晉作藥囊

岸無人覺一云競來往疎懶意何長

所思

苦憶荊州醉司馬崔吏部漪謫官居一云樽俎酒一云

定常開九江日落醒何處一柱觀頭眠幾回

可憐懷抱向人盡欲問平安無使來故憑錦

水將雙淚好過瞿塘灩澦堆

江村

清江一曲抱村流長夏江村事事幽自去自

來一作歸堂上燕相親相近水中鷗老妻畫紙

爲一作成碁局稚子敲針作釣鉤多病所須唯

藥物一云但有故人供微軀此外更何一作無

求

江漲

江漲柴門外兒童報急流下牀高數尺倚杖
沒中洲細動迎風燕輕搖逐浪鷗漁人繫小
楫容易拔一作船頭

野老

野老籬前一作邊江岸迴柴門不正逐江開漁

人網集澄潭下賈客船隨返照來長路關心
悲劔閣片雲何意一作事又云行雲幾處傍琴臺王師

未報收東郡城闕秋生畫角哀兩京同前都

雲山

京洛雲山外音書靜不來神交作賦客力盡
望鄉臺衰疾江邊卧親朋日暮迴白鷗元水
宿何事有餘哀

遣興

于戈猶未定弟妹各何之拭淚霑襟一作血
梳頭滿面絲地卑荒野大天遠暮江遲衰疾

那能久應無見汝時一云期

北鄰

明府豈辭滿藏身方告勞青錢買野竹白幘
岸江臯愛酒晉山簡能詩何水曹時來訪老
疾步屨到蓬蒿

南鄰

錦里先生烏角巾園收芋粟一云粟不全貧慣
看賓客一云門戶見童喜得食階除鳥雀馴秋水

纔深池一云雖四五尺野航魯直作艇恰受兩三人白

沙翠竹江村一作山暮一作路相對一作送柴門一作

籬南月色新

出郭

霜露晚淒淒高天逐望低遠煙鹽井上斜景
雪峯西故國猶兵馬他鄉亦一云正鼓鼙江城
今夜客還與舊鳥啼

過南鄰朱山人水亭

相近竹參差相過人不知幽花歛滿樹小水
細通池歸客村非遠殘樽席更移看君多道
氣從此數追隨

恨別

洛城一別四一云三千里胡騎長驅五六一云六七
年草木變衰行劔外兵戈阻絕老江邊思家
步月清宵立憶弟看雲白日眠聞道河陽近
乘勝司徒急爲破幽燕

寄賀蘭鈞

朝野歡娛後乾坤震蕩中相隨萬里日總作
白頭翁歲晚仍分袂江邊更轉蓬勿云俱異
域飲啄幾回同

寄楊五桂州

譚因州參軍
段子之任

五嶺皆炎熱宜人獨桂林梅花萬里外雪片
一冬深聞此寬相憶爲邦復好音江邊送孫
楚遠附白頭吟

逢唐興劉主簿弟

分手開元末連年絕尺書江山且相見戎馬
未安居劔外官人冷關中驛騎疎輕舟下吳
會主簿意何如

和裴廸登新津寺寄王侍郎王時收蜀

何限一作恨倚山木吟詩秋葉黃蟬聲集古寺

鳥影度寒塘風物悲遊子登臨憶侍郎老夫
貪佛一云賞一云費日隨意宿僧房

敬簡王明府

葉縣郎官宰周南太史公神仙才有數流落
意無窮驥病思偏秣鷹愁一作秋怕苦籠看君
用高義耻與萬人同

重簡王明府

甲子西南異冬來只薄寒江雲何夜盡一作靜
蜀雨幾時乾行李須相問窮愁豈有自一云寬
君聽鴻雁響恐致稻梁難

建都十二韻

蒼生未蘇息胡馬半乾坤議在雲臺上誰扶
黃屋尊建都分魏闕下詔闢荆門恐失東人
望其如西極存時危當雪耻計大豈輕論雖
倚三階正終愁萬國翻牽裾恨不死漏網辱
殊恩永負漢庭哭遙憐湘水魂窮冬客江劍
一云隨事有田園風斷青蒲節霜埋翠竹根
劍外衣冠空穰穰關輔久一云昏昏願枉一云唯一云

願駐長安日光輝照北原

歲暮

歲暮遠為客邊隅還用兵煙塵犯雪嶺鼓角
動江城天地日流血朝廷誰請纓濟時敢愛
死寂寞壯心驚

和裴廸登蜀州東亭送客逢早梅相憶

見寄

東閣官梅動詩興還如何遜在揚州此時對

雪遙相憶送客逢春一作可樊作自由幸不
折來傷歲暮若爲看去亂鄉一作春愁江邊一
樹垂垂發朝夕催人自白頭

寄贈王十將軍承俊

將軍膽氣雄臂懸兩角弓纏結青驄馬出入
錦城中時危未授鉞勢屈難爲功賓客滿堂
上何人高義同

暮登四一云西安寺鐘樓寄裴十迪

暮倚高樓對雪峯僧來不語自鳴鐘孤城返
照紅將斂近市浮煙翠且重多病獨愁常聞
寂故人相見未從容知君苦思緣詩瘦大云一

太向交游萬事慵

散愁二首

久客宜旋旆興王未息戈蜀星陰見少江雨
夜聞多百萬傳深入寰區望匪它司徒光下
燕趙收取舊山河

木身卷一

聞道并州鎮尚書王禮思訓士齊幾時通薊北
當日報關西戀闕丹心破露衣皓首啼老魂
招不得歸路恐長迷

奉詔李都督表丈早春作

力疾坐清曉來時一云詩律悲早春轉添愁

伴客更覺老隨人身則作紅入桃花嫩青歸柳

葉新望鄉應未已四海尚風塵

客至喜崔明府相過

舍南舍北皆春水但見一作羣鷗日日來花

徑不曾緣客掃蓬門今始為君開盤飧市遠

無兼味樽酒家貧只舊醅肯與鄰翁相對飲

隔籬呼取盡餘盃

遣意二首

轉枝黃鳥近泛渚白鷗輕一逕野花落孤村

春水生衰年催釀黍細雨更一作移橙漸喜

交游絕幽居不用名

木集卷一

簷影微微落津流脉脉斜野船一作明細火

宿雁聚圓一作沙雲掩初弦月香傳小樹花

鄰人有美酒稚子夜一作能賒

漫成二首

野日荒荒一作野月茫茫白春一作江流泯泯清渚蒲

隨地有村逕逐門成一作披衣慣常從漉酒

生眼邊無俗物多病也身輕

江臯已仲春花下復清晨仰面貪看鳥回頭

錯應人讀書難字過對酒滿壺頻近識峨眉

老東山隱者知予懶是真

春夜喜雨

好雨知時節當春乃及發生隨風潛入夜

潤物細無聲野徑雲俱黑江船火獨明曉看

紅濕處花重錦官城

春水

三月桃花浪水一云江流復舊痕朝來沒沙尾

土集卷下

十三

玉勾草堂

岸一云碧色動柴門接縷垂芳餌連筒灌小園
已添無數鳥爭浴故相喧英華云不知無數鳥何意更相喧

春水生二絕

二月六夜春水生門前小灘一云渾欲平鷓

鷓鷯鷓鷯莫漫喜吾與汝曹俱眼明

一夜水高二尺強數日不可更禁當南市津頭有船賣無錢即買繫籬旁

江亭

坦腹江亭暖長吟野望時水流心不競雲在意俱遲寂寂春將晚欣欣物自私故林歸未得排悶強裁詩草堂本一云江東猶苦戰回首一顰眉

村夜

蕭蕭風色暮樊作風色蕭蕭暮江頭人不行村春雨外急鄰火夜深明胡羯何多難漁樵寄此生中原有兄弟萬里正含情

早起

春來常早起，幽事頗相關。帖石防隕岸，開林
出遠山。一邱藏曲折，緩步有躋攀。童僕來城
市，瓶中得酒還。

可惜

花飛有底急，老去願春遲。可惜歡娛地，都非
少壯時。寬心應是酒，遣興莫過詩。此意陶潛
解，吾生後汝期。

落日

落日在簾鉤，溪邊春事幽。芳菲緣岸圃，樵爨
倚灘舟。啁雀爭枝墜，飛蟲滿院遊。濁醪誰造
汝，一酌一云酌罷散千憂。一云一酌罷人憂

獨酌

步屨一作履一作倚杖深林晚，開樽獨酌遲。仰蜂粘
落絮，一作藥一作行戶郎蟻上枯梨。薄劣慚真隱，幽
偏得自怡。本無軒冕意，不是傲當時。

徐步

整履一作屐步青蕪荒庭日欲哺芹泥隨燕
紫花藥一作藥粉上蜂鬚把酒從衣濕吟詩信杖
扶敢論才見忌實有醉如愚

寒食

寒食江村路一作樹風花高下飛汀煙輕冉冉
竹日淨暉暉田父一作舍要皆去鄰家鬧一作問
不違地偏相識一作失盡雞犬亦忘歸一作幾

高構

構樹色冥冥江邊一蓋青近根開藥圃接葉
製茅亭落景陰猶合微風韻可聽尋常絕醉
困卧此片時醒

惡樹

獨遶虛齋徑常持小斧柯幽陰成頗雜惡木
剪還多枸杞因一作固吾有雞棲奈汝何方知
不材者一云木生長漫婆娑

石鏡

蜀王將此鏡，送死置空山。冥冥憐香骨，提攜近玉顏。衆妃無復歎，千騎亦虛還。獨有傷心石，埋輪月宇間。

琴臺

茂陵多病後，尙愛卓文君。酒肆人間世，琴臺日暮雲。野花留寶曆，蔓草見羅裙。歸鳳求皇意，寥寥不復聞。

聞斛斯六官未歸

故人南郡去，去索作碑錢。本賣文爲活，翻令室倒懸。荆扉深蔓草，土鏹冷疎煙。老罷休無賴，歸來省醉眠。

遊脩覺寺

野寺江天豁，山扉花竹幽。詩應有神助，吾得及春遊。徑石相一云深縈帶，川雲自一云晚去留。禪枝宿衆鳥，漂轉暮歸愁。

後遊

寺憶新一云曾遊處橋憐再渡時江山如有待
花柳更無私野潤煙光薄沙暄日色遲客愁
全爲減捨此復何之

題新津北橋樓得郊字

望極春城上開筵近鳥巢白花簷外朶青柳
檻前梢池水觀爲政厨煙覺遠庖西川供客
一作眼醉客一云云唯有一云云此江郊

江漲

江發蠻夷漲山添雨雪流大聲吹地轉高浪
蹴天浮魚鼈爲人得蛟龍不自謀輕帆好去
便吾道付滄洲

晚晴

村晚驚風度庭幽過雨霏夕陽薰細草江色
映疎簾書亂誰能帙益乾可自添時間有餘
論未怪老夫潛

朝雨

涼氣晚一云蕭蕭江雲亂眼飄風鴛鴦藏近渚

雨鷺集深條黃綺終辭一作漢巢由不見堯

草堂樽酒在幸得過清朝一作宵

江上值一作水如海勢聊短述

為人性僻耽佳句語不驚人死不休老去詩

篇渾漫與春來花鳥莫深愁新添水檻供垂

釣故著浮槎替入舟焉得思如陶謝手令渠

述作與同遊

送裴五赴東川

故人亦流落高義動乾坤何日通燕塞相看

老蜀門東行應暫別北望苦銷魂凜凜悲秋

意非君誰與論

赴青城縣出成都寄陶王二少尹

老耻妻孥笑一云老被貧嗟出入勞客情投

異縣詩態憶吾君一作曹東郭滄江一云合西

山白雪高文章差底病迴首興滔滔

本集卷十一

因崔五侍御寄高彭州一絕

百年已過半秋至轉饑寒為問彭州牧何時
救急難

野望因過常少仙

野橋齊度馬秋望轉悠哉竹覆青城合江從
灌口來入村樵徑引嘗果栗皴一作園開落盡
高天日幽人未遣迴

寄杜位位京中宅近西

近聞寬法離別一云新州想見懷歸向百憂逐

客雖皆萬里去悲君已是十年流干戈况復

塵行一云隨眼鬢髮還應雪白一云滿頭玉壘題

書心緒亂何時更得曲江遊

奉簡高三十五使君

當代論才子如公復幾人驂騑開道路鷹隼
出風塵行色秋將晚交情老更親天涯喜相
見披豁對道一作吾真吳若本作君恐誤

士集卷十一

二十 玉勾草堂

送韓十四江東觀省

兵戈不見老萊衣
歎息人間萬事非
我已無家尋弟妹
君今何處訪庭闈
黃牛峽靜灘聲轉
一作急白馬江寒樹影稀
此別應須各努力
故鄉猶恐未同一作堪歸

贈杜二拾遺

高適

傳道招提客
詩書自討論
佛香時入院
僧飯屢過門
聽法還應難
尋經剩欲翻
草元今已吳作更何言

酬高使君相贈

古寺僧牢落
空房客一作得寓居
故人供祿米

鄰舍與園蔬
雙樹容聽法
三車肯載書
草元

吾豈敢賦或似一云比相如

草堂即事

荒村建子月
獨樹老夫家
霧一云雪裏江船渡
風前逕竹斜
寒魚依密藻
宿鷺起圓沙
蜀酒

禁愁得無錢何處賒

魏十四侍御就弊廬相別

有客騎驄馬江邊問草堂遠尋畱藥價惜別

到一云文場入幕旌旗動歸軒錦繡香時應

念衰疾書疏一作迹及滄浪

徐九少尹見過

晚景孤村僻行軍數騎來交新徒有喜禮厚
媿無才賞靜憐雲竹忘歸步月臺何當看花

藥欲發照江梅

范二員外邈吳十侍御郁特枉駕闕展

待聊寄此

暫往比鄰去晉作空聞二妙歸幽棲誠簡略

衰白已光輝野外貧家遠村中好客稀論文
或不媿肯重欸柴扉

王十七侍御掄許攜酒至草堂奉寄此

詩便請邀高三十五使君同到

老夫卧穩朝慵起白屋寒多暖始開江鶴一作

巧當幽徑浴鄰鷄還過短牆來繡衣屢許

攜家醞阜蓋能忘折野梅戲假霜威促山簡

須成一醉一作習池迴

王竟攜酒高亦同過共用寒字

卧病荒郊遠通行小徑難故人能傾客攜酒

重相看自媿無鮭一作菜空煩卸馬鞍移時

勸山簡頭白恐風寒高每云汝年幾不必小于我故此句戲之

陪李七司馬阜江上觀造竹橋即日成

往來之人免冬寒入水聊題短作簡李

公二首

伐竹爲橋結構同褰裳不涉往來通天寒白

鶴歸華表日落青龍見水中顧我老非題柱

客知君才是濟川功合歡考與却笑千年事

驅石何時到海東

把燭成橋一作夜迴舟坐客一作時天高雲

去盡江迴月來遲
衰謝多扶病招邀屢有期
異方乘此興樂罷不無悲

李司馬橋了承高使君自成都迴

向來江上手紛紛三日成功事出羣已傳童

子騎青竹

一作馬

總擬橋東待使君

少年行二首

莫笑田家老瓦盆自從盛酒長

一作養

兒孫傾

銀注瓦

五英華作玉齋証云當依古本

驚人眼共醉終同卧

竹根

巢鷺養

西溪叢語作引

雛

英華作見

渾去盡江花結子已

一作也

無多黃衫年少來宜

叢語作宜來

數不見堂

前東逝波

野人送朱櫻

西蜀櫻桃也自紅野人相贈滿筠籠數迴細

寫愁仍破萬顆勻圓訝許同憶昨賜露門下

省退朝擎出大明宮金盤玉筋無消息此日

嘗新任轉蓬

即事

百寶裝腰帶真珠絡臂鞢笑時花近眼舞罷

錦纏頭

贈花卿

錦城絲管日紛紛半入江風半入雲此曲祇

應天上有樂府作去人間能得幾回聞

少年行

馬上

一云騎馬

誰家薄媚白一云郎臨塔下馬

坐

一作踏

人牀不通姓字麤豪一作珠甚指點銀

瓶索酒嘗

一云酒未嘗

觀李固請司馬弟山水圖三首

簡易高人意

一云體

匡牀竹火爐寒天畱遠客

碧海挂新圖雖對連山好貪看絕島孤羣仙

不愁思冉冉下蓬壺

方丈渾連水天台總映雲人間長見畫老去

身一作老恨空聞范蠡舟偏小王喬鶴不羣此生
隨萬物何路出塵氛

高浪垂翻屋崩崖欲壓牀野橋一作樓分子細

沙岸繞微茫紅浸珊瑚短青懸薜荔長浮查

竝坐得一云相竝坐仙老暫相將

題桃樹

小徑升堂舊不斜五株桃樹亦從遮高秋總

餒一作餓貧人實來歲還舒滿眼花簾戶每宜

通乳鷺見童莫信打慈鴟寡妻羣盜非今日

天下車書正一作已一家

蕭八明府隄一作實處覓桃栽

奉乞桃栽一百根春前爲送浣花村河陽縣

裏雖無數濯錦江邊一作頭未滿園

從韋二明府續處覓綿竹

華軒藹藹他年到綿竹亭亭出縣高江上舍

前無此物幸分蒼翠拂波濤

本集卷一
憑何十一少府邕覓楹木栽

草堂塹西無樹林

一作木

非子誰復見幽心飽

聞楹木三年大與致溪邊十畝陰

憑韋少府班覓松樹子

落落出羣非檉柳青青不朽豈楊梅欲存老

蓋千年意爲覓霜根數寸栽

一作來

又于韋處乞大邑瓷盤

大邑燒瓷輕且堅扣如哀

一作寒

玉錦城傳君

家白盃勝霜雪急送茅齋也可憐

詣徐卿覓果栽

草堂少花今欲栽不問綠李與黃梅石笋街
中却歸去果園坊裏爲求來

贈別何邕

生死論交地何由見一人悲君隨鷺雀薄宦
走風塵綿谷元通漢沱江不向秦五陵花滿
眼傳語故鄉春

贈別鄭鍊赴襄陽

戎馬交馳際柴門老病身把君詩過日

俗本作日

念此別驚神

一云念別意驚神

地濶峨眉晚

一云曉晉作遠

天高峴首春為於耆舊內試覓姓龐人

重贈鄭鍊絕句

鄭子將行罷使臣囊無一物獻尊親江山路

遠躋離日裘馬誰為感激人

杜工部集卷之十一

杜工部集卷十二目錄

近體詩一百二十八首

奉和嚴中丞西城晚眺詩十韻

嚴中丞枉駕見過

廣州段功曹到得楊長史書

得廣州張判官叔卿書使還以詩代意

送段功曹歸廣州

絕句漫興九首

江畔獨步尋花七絕

三絕句

戲為六絕句

江頭五詠

丁香

麗春

梔子

鷓鴣

花鴨

畏人

遠遊

野望

官池春鴈二首

水檻遣心二首

屏跡三首

寄題杜二錦江野亭 嚴武

奉酬嚴公寄題野亭之作

中丞嚴公雨中垂寄見憶一絕奉答二

絕

謝嚴中丞送乳酒

嚴公仲夏枉駕草堂

嚴公廳宴同詠蜀道畫圖

奉送嚴公入朝十韻

酬別杜二嚴武

送嚴侍郎到綿州

奉濟驛重送嚴公四韻

巴西驛亭觀江漲呈竇使君

九日登梓州城

巴嶺荅杜二見憶嚴武

九日奉寄嚴大夫

黃草

懷舊

所思

不見

題元武禪師屋壁

客夜

客亭

秋盡

陪王侍御宴通泉東山野亭

野望

聞官軍收河南河北

涪江泛舟送韋班歸京

春日梓州登樓二首

鄜城西原送李判官武判官赴成都府

泛江送魏十八倉曹還京因寄岑中允

范郎中

送路六侍御入朝

泛江送客

上牛頭寺

望牛頭寺

上兜率寺

望兜率寺

甘園

數陪李梓州泛江有女樂戲為艷曲二

首

登牛頭山亭子

陪四使君登惠義寺

送何侍御歸朝

江亭送眉州辛別駕

涪城縣香積寺官閣

戲題上漢中王三首

陪章留後宴南樓

臺上

送王十五判官扶侍還黔中

倦夜

悲秋

對雨

警急

王命

征夫

有感五首

送元二適江左

章梓州水亭

翫月呈漢中王

戲作寄上漢中王二首

投簡梓州幕府兼簡韋十郎官

登高

九日

遣憤

章梓州橘亭餞成都竇少尹

杜工部集卷十二目錄

送陵州路使君赴任

薄暮

西山三首

薄遊

贈韋贊善別

送李卿奕

絕句

城上

舍弟占歸草堂

杜工部集卷十二目錄終

杜集卷十二目錄

七

王勾草堂

杜工部集卷之十二

杜工部集卷之十二

○近體詩一百二十八首

在成都及綿漢梓州作

奉和嚴中丞西城晚眺十韻

汲黯匡君切廉頗出將頻直詞才不世雄略

動一作

如神政簡移風速詩清立意新層城

臨暇一作

景絕域望餘春旗尾蛟龍會樓頭

鷺雀馴地平江動蜀天濶樹浮秦帝念深分

闔軍須遠算緡花羅封蛺蝶瑞錦送麒麟辭

杜集卷十二

玉勾草堂

第輸高義觀圖憶古人征南多興緒事業閣
相親

嚴中丞枉駕見過

嚴自東川除西川
勅令兩川都節制

元戎小隊出郊坰問柳尋花到野亭川合東

西瞻使節地分南北任流

孤一作

萍扁舟不獨

如張翰白

阜一作

帽還應

應兼一作

似管寧寂寞云

今日江天雲霧裏何人道有少微星

廣州段功曹到得楊五長史譚書功曹

却歸聊寄此詩

衛青開幕府楊僕將樓船漢節梅花外春城
海水邊銅梁書遠及珠浦使將旋貧病他鄉
老煩君萬里傳

得廣州張判官叔卿書使還以詩代意

鄉關胡騎遠

一云滿

宇宙蜀城偏忽得炎州信

遙從月峽傳雲深驃騎幕夜隔孝廉船却寄

雙愁眼相思

一作望

淚點懸

送段功曹歸廣州

南海春天外功曹幾月程行一云峽雲籠樹小

湖日落蕩一云船明交趾丹砂重韶州白葛輕

幸君因旅估一作客時寄錦官城

絕句漫興九首

眼見前一云客愁愁不醒無賴春色到江亭卽

遣花開飛一作深從一作造次便覺一作鶯語太

丁寧

手種桃李非無主野老牆低還似一作家恰

似春風相入聲欺得夜來吹折數枝花

熟一作知晉作茅齋絕低小江上鷺子故來

頻銜泥點污琴書內更接飛蟲打著人

二月已破三月來漸老逢春能幾迴莫思草堂

作辭身外無窮事且盡生前有限杯

腸斷春江一云欲盡一作頭杖藜徐步立芳

洲顛狂柳絮隨風去輕薄桃花逐水流

懶慢無堪不出村呼兒日在掩柴門蒼苔濁
酒林中靜碧水春風野外昏

糝徑楊花鋪白氈點溪荷葉疊一作累青錢一作云

銅筍一作竹根稚一作雉子無人見沙上鳧雛傍

母眠

舍西柔桑葉可拈江畔細麥復纖纖人生幾
何春已夏不放香醪如蜜甜

隔戶一云戶外楊柳弱嫋嫋恰似十五女兒腰誰
謂朝來不作意狂風挽斷最長條

江畔獨步尋花七絕句

江上被花惱不徹無處告訴只顛狂走覓南

鄰愛酒伴經旬出飲獨空牀斛斯融吾酒徒

稠花亂藥畏一云裹江濱行步歛危實一云獨怕

春詩酒尙堪驅使在未須料理白頭人

江深竹靜兩三家多事紅花映白花報答春

光知有處應須美酒送生涯

東望少城花滿烟，百花高樓更可憐。誰能載酒開金盞。一作鎖喚取佳人舞繡筵。

黃師塔前江水東，春光懶困倚微風。桃花一

簇開無主，可愛深紅愛一作映淺紅。一作晉作與

黃四娘家花滿蹊，千朵萬朵壓枝低。留連戲

蝶時時舞，自在嬌鶯恰恰啼。

不是愛花即肯一作欲死，一作不是看只恐花

盡老相催繁枝容易紛紛落，嫩葉一作商量

細細開

三絕句

楸樹馨香倚釣磯，斬新花蘂未應飛。不如醉

裏風吹一作春風盡可一作何忍醒時雨打稀。

門外鷓鴣去一作久不來，沙頭忽見眼相猜。白

今已後知人意，一日須來一百回。

無數春筍滿林生，柴門密掩斷人行。會須上

番去看成竹客，至從嗔不出迎。

戲爲六絕句

庾信文章老更成，凌雲健筆意縱橫。今人嗤
點流傳賦，不覺前賢畏後生。

王楊

一作楊王

盧駱當時體輕薄，爲文哂未休。爾
曹身與名俱滅，不廢江河萬古流。

縱使盧王操翰墨，劣于漢魏近風騷。龍文虎
脊皆君馭，歷塊過都見爾曹。

才力應難誇數公，凡今誰是出羣雄。或看翡翠
翠蘭茗，上未掣鯨魚碧海巾。

不薄今人愛古人，清詞麗句必爲鄰。竊攀屈
宋宜方駕，恐與齊梁作後塵。

未及前賢更勿疑，遞相祖述復先誰。別裁僞
體親風雅，轉益多師是汝師。

江頭五詠丁香

丁香體柔弱，亂結枝猶墊。細葉帶浮毛，疎花
披素艷。深栽小齋後，庶近幽人占。晚墮蘭麝

中休懷粉身念

麗春

百草競春華麗春應最勝少須晉作好顏色

草堂作多漫枝條剩紛紛桃李枝處處總能

移如何貴此重晉作稀如却怕有人知

梔子

梔子比衆木人間誠未多於身色有用與道

氣傷一作和紅取風霜實青看雨露柯無情

移得汝貴在映江波

鴻鵠

故使籠寬織須知動損毛看雲莫悵望失水

任呼號六翮曾經剪孤飛卒一作未高且無

鷹隼慮留滯莫辭勞

花鴨

花鴨無泥滓堦前一作每緩行羽毛知獨立

黑白太分明不覺羣心妬休牽衆眼驚稻梁

雷一作知汝在作意莫先鳴

畏人

早花隨處發春鳥異方啼萬里清江上三年

一云落日低畏人成小築禰性合幽棲門逕

一云從榛草無心走一作待馬蹄

遠遊

賤子何人記迷芳荆作方著處家竹風連野色

江沫擁春沙種藥扶衰病吟詩解歎嗟似聞

胡騎走失喜問京華

野望

西山白雪三奇一作城一作年戍南浦清江萬里橋

海內風塵諸弟隔天涯涕淚一身遙唯將遲

暮供多病未有涓埃答聖朝跨馬出郊時極

目不堪人事日一作自蕭條

官池春雁二首

自古稻梁多不足至今鷓鴣亂為羣且休悵

望看春水更恐歸飛隔暮雲

青春欲盡急還鄉紫塞寧論尚有霜翅在雲
天終不遠力微繒繳絕須防

水檻遣心二首

去郭軒楹敞無村草堂作材眺望除澄江平少岸
幽樹晚多花細雨魚兒出微風燕子斜城中
十萬戶此地兩三家

蜀天常夜雨江檻已朝晴葉潤林塘密衣乾
枕席清不堪秣老病何得尙晉作向浮名淺把
涓涓酒深憑送此生

屏跡三首

用拙存一作誠吾道幽居近物情桑麻深雨露
燕雀半生成村鼓時時急漁舟箇箇輕杖藜
從白首心跡喜雙清

晚起家何事無營地轉幽竹光團一作圍野色
舍一云山影漾江流失學從兒懶長貧任婦愁

百年澤得醉一月不梳頭

衰顏一作年甘屏迹幽事供高卧鳥下竹根行

龜開萍葉過年荒酒價乏日併園蔬課猶酌

甘泉歌一云獨酌酌甘泉歌長擊樽破

寄題杜二錦江野亭 嚴武

漫向江頭把釣竿懶眠沙草愛風湍莫倚善

題鸚鵡賦何須不著鷄鷄冠腹中書籍幽時

曬肘後醫方靜處看興發會能馳駿一云馬

終須晉作當重一作直到使君灘

奉酬嚴公寄題野亭之作

拾遺曾奏數行書懶性從來水竹居奉引濫

騎沙苑馬幽棲真釣錦江魚謝安不倦登臨

費一作賞阮籍焉知禮法疎枉沐一云何日旌麾出

城府草茅無一作荒徑欲教鋤

中丞嚴公雨中垂寄見憶一絕奉荅二

絕

本集卷十二

雨映行宮一作官一作雲非是辱贈詩元戎肯赴野人

期一云元戎欲動野人知江邊老病雖無力強擬晴天

理釣絲

何日雨晴雲出溪白沙青石先洗一云無泥只

須伐竹開荒徑倚一作杖穿花聽馬嘶一云鳥啼

謝嚴中丞送青城山道士乳酒一瓶

山瓶乳酒下青雲氣味濃香幸見分鳴鞭走

送憐漁父洗盞開嘗對馬軍軍州謂驅使騎為馬軍

嚴公仲夏枉駕草堂兼攜酒饌得寒字草堂

本一作鄭公枉駕攜饌訪水亭

竹裏行厨洗玉盤花邊立馬簇金鞍非關使

者徵求急自識將軍禮數寬百年地闢今本作僻

柴門迴五月江深草閣寒看弄漁舟移白日

老農何有罄交歡

嚴公廳宴同詠蜀道畫圖得空字

日臨公館靜畫滿一作列地圖雄劔閣星橋北

士集卷十二

十一

玉勾草堂

松州雪嶺東華夷山不斷吳蜀水相通興與
烟霞會清樽幸不空

奉送嚴公入朝十韻

鼎湖瞻望遠象闕憲章新四海猶多難中原
憶舊臣與時安反側自昔有經綸感激張天
步從容靜塞塵南圖迴羽翮北極捧星辰漏
鼓還思畫宮鸞罷囀春空留玉帳術愁殺錦
城人閣道通丹地江潭隱白蘋此生那老蜀
不死會歸秦公若登台輔臨危莫愛身

酬別杜二

嚴武

獨逢堯典日再覩漢官儀未効風霜勁空慙
雨露私夜鐘清萬戶曙漏拂千旗竝向殊一作

斜庭謁俱承別館追斗城憐舊路渦水惜歸

期峰樹還相伴江雲更對垂試迴滄海棹莫

一作更一作妬敬亭詩祇是書應寄無忘酒共持但

令心事在未肯鬢毛衰最悵巴山裏清猿惱

夢思

送嚴侍郎到綿州同登杜使君江樓

心得

字

野興每難盡江樓延賞心歸朝送使節落景
惜登臨稍稍烟集渚微微風動襟重船依淺
瀨輕鳥度層陰檻峻背幽谷窻虛交茂林燈
光散遠近月彩靜高深城擁朝來客天橫醉
後參窮途衰謝意苦調短長吟此會共能幾
諸孫賢至今不勞朱戶閉自待白河沈

奉濟驛重送嚴公四韻

遠送從此別青山空復情幾時盃重把昨夜
月同行列郡謳歌惜三朝出入榮江村獨歸
處寂寞養殘生

巴西驛亭觀江漲呈寶使君

草堂本作寶十五使

君

宿雨南江漲波濤亂遠峰孤亭凌噴薄萬井

木身卷一
逼春容霄漢愁高鳥泥沙困老龍天邊同客
舍攜我豁心胸

九日登梓州城

伊昔黃花酒如今白髮翁追歡筋力異望遠
歲時同弟妹悲歌裏朝廷一作乾坤醉眼中兵戈
與關塞此日意無窮

巴嶺荅杜二見憶

嚴武

卧向巴山落月時兩鄉千里夢相思可但步
兵偏愛酒也知光祿最能詩江頭赤葉楓愁
客籬外黃花菊對誰跋馬望君非一度冷猿
秋雁不勝悲

九日奉寄嚴大夫

九日應愁思經時冒險艱不眠持漢節何路
出巴山小驛香醪嫩重巖細菊草堂作雨斑遙知
簇鞍馬迴首白雲間

黃草

黃草峽西船不歸赤甲山下行人一云稀秦
中驛使無消息蜀道兵干一云戈有是非萬里
秋風吹錦水誰家別淚濕羅衣莫愁劔閣終
堪據聞道松州已被圍

懷舊

地下蘇司業情親獨有君那因喪一作亂後

便有一云死生分老罷知明鏡悲來望白雲

自從失詞伯不復更論文公前名預緣避御諱改為源明

所思得台州鄭司戶處消息

鄭老身仍竄台州信所始一云傳為農山澗曲

卧病海雲邊世已疎儒素人猶乞酒錢徒勞

望牛斗無計斲龍泉

不見近無李白消息

不見李生久佯狂真可哀世人皆欲殺吾意

獨憐才敏捷詩千首飄零酒一杯匡山讀書

處頭白好始一云歸來

題元武禪師屋壁

何年顧虎頭滿壁一云畫瀛曾作州赤日石

林氣青天江海水一云流錫飛常近鶴杯度不

驚鷗似得廬山路真隨惠遠遊

客夜

客睡何曾著秋天不肯明卷簾殘月影高枕

遠江聲計拙無衣食途窮仗友生老妻書數

紙應悉未歸情

客亭

秋窻猶曙色落木一作更天一作風日出寒

山外江流宿霧中聖朝無棄物老病已成云一

衰翁多少殘生事飄零似轉蓬

秋盡

秋盡東行且未迴茅齋寄在少城隈籬邊老

却陶潛菊江上徒逢袁紹孟雪嶺獨看西日

落一云劔門猶阻北人來不辭萬里長為客

懷抱何時得好開

一云好
一開

陪王侍御宴通泉東山野亭

江水東流去清樽日復斜異方同宴賞何處
是京華亭景臨山水村烟對浦沙狂歌過子

一云
形勝得醉即為家

野望

金華山北

一云
南

涪水西伸冬風日始淒淒山

連越嶠蟠三蜀水散巴渝下五溪獨鶴不知

何事舞飢鳥似欲向人啼射洪春酒寒仍綠

目極傷神誰為攜

聞官軍收河南河北

一云收
兩河

劍外忽傳收薊北初聞涕淚滿衣裳却看妻

子愁何在漫卷詩書喜欲狂白日

一云
首放歌

須縱酒青春作伴好還鄉即從巴峽穿巫峽

便下襄陽向洛陽

余田園
在東京

涪江泛舟送韋班歸京

得山字

追餞同舟日傷春心一云一水間飄零為客久

衰老羨君還花遠雜一云重重樹雲輕處處山

天涯故人少更益憶一作鬢毛斑

春日梓州登樓二首

行路難如此登樓望欲迷身無却少壯跡有

但晉作羈栖江水流城郭春風入鼓鞞雙雙

新燕子依舊已銜泥

天畔登樓眼隨春風一云入故園戰場今始定

移晉作柳更能存厭蜀交遊冷思吳勝事繁

應須理舟楫長嘯下荆門

鄴城西原送李判官兄武判官弟赴成

都府

憑高送所親久坐惜芳辰遠水非無浪他山

自有春野花隨處發官一作柳著行新天際

傷愁別離筵何太頻

泛江送魏十八倉曹還京因寄岑中允

參范郎中季明

遲日深春江一云水輕舟送別筵帝鄉愁緒外

春色淚痕邊見酒須相憶將詩莫浪傳若逢

岑與范為報各衰年

送路六侍御入朝

童稚情親四一云三十年中間消息兩茫然更

為後會知何地忽漫相逢是別筵草堂本作不分

憤桃花紅勝錦生憎柳絮白於一作如綿劔南

春色還無賴觸忤愁人到酒邊

泛江送客

二月頻送客東津江欲平烟花山際重舟楫

浪前輕淚逐勸盃下一作落愁連吹笛生離筵

不隔日那得易為情

上牛頭寺

青山意不盡袞袞上牛頭無復能拘礙真成

浪出遊花濃春寺靜竹細野池幽何處鸞啼

切移時獨未休

望牛頭寺

牛頭見鶴林梯逕繞幽深

一云秀麗
一何深

春色浮

一作流

山外天河宿

蔡作沒

殿陰傳燈無白日布

地有黃金休作狂歌老迴看不住心

上兜率寺

兜率知名寺真如會法堂江山有巴蜀棟宇
自齊梁庾信哀雖久何願好不忘白牛車遠

近且欲上慈航

望兜率寺

樹密當山徑江深隔寺門霏霏雲氣重

一云動

閃閃浪花翻不復知天大空餘見佛尊時應

清盥

一云興

罷隨喜給孤園

甘園

春日清江岸千甘二頃園青雲羞

一作著

葉密

白雪避花繁結子隨邊使開筒近至尊後於

桃李熟終得獻金門

數陪李梓州泛江有女樂在諸舫戲為

艷曲二首贈李

草堂作章諸方
輿勝覽作渚

上客迴空騎佳人滿近船江清歌扇底野曠

舞衣前玉袖凌風竝金壺隱浪偏競將明媚

色偷眼艷陽天

年一云

白日移歌袖清霄近笛牀翠眉縈度曲雲鬢

儼分行立馬千山暮迴舟一水香使君自有

婦莫學野鴛鴦

登牛頭山亭子

路出雙林外亭窺萬井中江城孤照日山一作

春谷遠含風兵革身將老關河信不通猶殘

數行淚忍對百花叢

陪李梓州王閬州蘇遂州李果州四使

君登惠義寺

春日無人境虛空不住天鶯花隨世界樓閣

寄一作倚山巔遲暮身何得登臨意惘一作寂然

誰能解金印瀟灑共安禪一云三車將五馬若箇合安禪

送何侍御歸朝李梓州泛舟筵上作

舟楫諸侯餞車輿使者歸山花相映發水鳥

自孤飛春日垂霜鬢天隅把繡衣故人從此

去一云遠寥落寸心違

江亭送眉州辛別駕昇之得蕪字

柳影含雲幕一云重江波近酒壺異方驚會面

終宴惜征途沙晚低風蝶天晴喜浴鳧別離

傷老大意緒日荒蕪

涪城縣香積寺官閣

寺下春江深不流山腰官閣迴添愁含風翠

壁孤雲細背日丹楓萬木稠小院迴廊春一作

清寂寂浴鳧飛鷺晚悠悠諸天合在藤蘿外

昏黑應須到上頭

戲題寄上漢中王三首時王在梓州初至斷酒不飲篇

有戲述

西漢親王子成都老客星百年雙白鬢一別

五秋一作飛螢忍斷盃中物王作看座右銘

不能隨阜蓋自醉逐浮萍

策杖時能出王門異昔遊已知嗟不起未許

醉相畱蜀酒濃無敵江魚美可求終思一酪

酌淨掃雁池頭

羣盜無歸路衰顏會遠方尙憐詩警策猶記

憶一作酒顛狂魯衛彌尊重徐陳畧喪亡空餘

枚一作故叟在應念早升堂

陪章畱後侍御宴南樓得風字

絕域長夏晚茲樓清宴同朝廷燒棧北鼓角

滿一作漏天東屢食將軍第一云仍騎一云御

史驄本無丹竈術一作訣那免白頭翁寇盜狂

歌外形骸痛飲中野雲低渡水簷雨細隨風

出號江城黑題詩蠟炬一作燭紅此身醒復醉

不擬哭途窮

臺上 得涼字

改席臺能迴雷門月復光雲行一作霄遺暑濕

山谷進風涼老去一杯足誰憐屢舞長何須

把官燭似惱鬢毛蒼

送王十五判官扶侍還黔中 得開字

大家東征逐子迴風生洲渚錦帆開青青竹

笋迎船出日日一作白云江魚入饌來離別不堪

無限意艱危深仗濟時才黔陽信使應稀少

莫怪頻頻一作頻勸酒盃

倦夜

竹涼侵卧內野月滿一作編庭隅重露成涓滴

稀星乍有無暗飛螢自照水宿鳥相呼萬事

干戈裏空悲清夜徂

悲秋

涼風動萬里羣盜尙縱橫家遠傳書日秋來

爲客情愁窺高鳥過老逐衆人行始欲投三
峽何由見兩京

對雨

莽莽天涯雨江邊獨立時不愁巴道路恐濕
漢旌旗雪嶺防秋急繩橋戰勝遲西戎甥舅
禮未敢背恩私

警急

才名舊楚將妙畧擁兵機玉壘雖傳檄松州
會解圍和親知拙計公主漫無歸青海今誰
得西戎實飽飛

王命

漢一云漢北豺狼滿巴西道路難血埋諸將甲
骨斷使臣一云君鞍牢落新燒棧蒼茫舊築壇

深懷喻蜀意慟哭望王官一云京

征夫

十室幾人在千山空自多路衢唯見哭城市

不聞歌漂梗無安地銜枚有荷戈官軍未通
蜀吾道竟如何

有感五首

將帥蒙恩澤兵戈有歲年至今勞聖主何以
報皇天白骨新交戰雲臺舊拓邊槎斷消
息無處覓張騫

幽薊餘虵

樊作封

豕乾坤尙虎狼諸侯春不貢

使者日相望慎勿吞青海無勞問越裳大君

先息戰歸馬華山陽

洛下舟車入天中貢賦均日聞紅粟腐寒待
翠華春莫取金湯固長令宇宙新不過行儉
德盜賊本王臣

丹桂風霜急青梧日夜凋由來強幹地未有
不臣朝受鉞親賢往卑宮制詔遙終依古封
建豈獨聽簫韶

盜

一作

滅人還亂兵殘將自疑登壇名絕假

報主一云執玉爾何遲領郡輒無色之官皆有詞
願聞哀痛詔端拱問瘡痍

送元二適江左

亂後今相見秋深復遠行風塵爲客日江海
送君情晉室丹陽尹公孫白帝城經過自愛
惜取次莫論兵元常應孫吳科舉

章梓州水亭

時漢中王兼道士席謙在會同用荷字韻

城晚通雲霧亭深到芰荷吏人橋外少秋水

席邊多近屬淮王至高門薊子過荊州愛山
簡吾醉亦長歌

翫月呈漢中王

夜深露氣清江月滿江城浮一作游客轉危坐

歸舟應獨行關山同一照海錄作點烏鵲自多驚

欲得淮王術風吹暈已生

戲作寄上漢中王二首

王新誕明珠

雲裏不聞雙雁過掌中貪見一珠新秋風嫋

本集卷之二
嫋吹江漢只在他鄉何處人

謝安舟楫風還起梁苑池臺雪欲飛杳杳東
山攜漢妓泠泠修竹待王歸

投簡梓州幕府兼簡韋十郎官

幕下郎官安穩無從來不奉一行書固知貧
病人須棄能使韋郎跡也疎

登高

風急天高猿嘯哀渚清沙白鳥飛迴無邊落
木蕭蕭下不盡長江滾滾來萬里悲秋常作
客百年多病獨登臺艱難苦恨繁霜鬢潦倒
新停濁酒盃

九日

去年登高鄴縣北今日重在涪江濱苦遭白
髮不相放羞見黃花無數新世亂鬱鬱久爲
客路難悠悠常傍人酒闌却憶十年事腸斷
驪山清路塵

遣憤

聞道花門將論功未盡歸自從收帝里誰復
總戎兵一云機軍一云蜂蠆終懷毒雷霆可振威
莫令鞭血地再濕漢臣衣

章梓州

使君一云

橘亭餞成都竇少尹

得涼字

秋日野亭千橘香玉盃錦席高雲涼主人送

客何所作

音佐

行酒賦詩殊未央衰老應為難

離去聲

別

一云離為

賢聲此去有輝光預傳籍

籍新京尹

一作兆

青史無勞數

一作缺

趙張

送陵州路使君赴任

王室比

制作此

多難高官皆武臣幽燕通使者

岳牧用詞人國待賢良急君當拔擢新佩刀

成氣象行蓋出風塵戰伐乾坤破瘡痍府庫

貧衆寮宜潔白萬役但平均

一云萬物役平均

霄漢

瞻佳士

樊作家事

泥途任此身秋天正搖落迴首

大江濱

薄暮

江水長流

一云最深

地山雲薄暮時寒花隱亂草

宿鳥擇

一云探

深枝舊國見何日高秋心苦悲

人生不再好鬢髮白

一作白

成絲

西山三首

彝界荒山頂蕃州積雪邊築城依

一作連

白帝

轉粟上青天蜀將分旗鼓羌兵助

一作動

井泉

一作鏗西南背和好殺氣日相纏

辛苦三城戍長防萬里秋煙塵侵火井雨雪

閉松州風動將軍幕

一云蓋

天寒使者裘漫

平聲

山賊營壘

一云成壁壘

迴首得無憂

子弟猶深入關城未解圍蠶崖鐵馬瘦灌口

米船稀辯士安邊策元戎決勝威今朝烏鵲

喜欲報凱歌歸

薄遊

浙浙

一云浙浙

風生砌團團日隱牆遙

一云滿

空秋

雁滅

過一云

半嶺暮雲長

張一云

病葉多先墜寒

花只暫香巴城添淚

一作

眼今夜復清光

贈韋贊善別

扶病送君發自憐猶不歸
祗應盡客淚復作掩荆扉
江漢故人少音書從此稀
往還二十載歲晚寸心違

送李卿奕

王子思歸日長安已亂兵
霑衣問行在走馬

向承明暮景巴蜀僻春風
江漢清晉山雖自

棄魏闕尙含情

絕句

江邊踏青罷迴首見旌旗
風起春城暮高樓

鼓角悲

城上

荆作空城

草滿巴西綠空城

山谷作城空

白日長風吹花片

片春動

一作蕩

水

一云春送雨

茫茫八駿隨天子羣

臣從武皇遙聞出巡守早晚徧遐荒

舍弟占歸草堂檢校聊示此詩

久客應吾道相隨獨爾來孰知江路近頻爲
草堂迴鵝鴨宜長數柴荆莫浪開東林竹影
薄臘月更須栽

杜工部集卷之十二

杜工部集卷十三目錄

近體詩九十六首

傷春五首

送梓州李使君之任

王閬州筵奉酬十一舅惜別之作

放船

奉待嚴大夫

奉寄高常侍

奉寄章十侍御

將赴荆南寄別李劍州

奉寄別馬巴州

泛江

陪王使君晦日泛江就黃家亭子二首

南征

久客

春遠

暮寒

雙鷺

百舌

地隅

遊子

歸夢

江亭餞蕭遂州

絕句二首

滕王亭子

玉臺觀

滕王亭子

玉臺觀

渡江

喜雨

送韋郎司直歸成都

將赴成都草堂途中有作先寄嚴鄭公

五首

別房太尉墓

自閬州領妻子却赴蜀山行三首

山館

行次鹽亭縣奉簡嚴遂州蓬州兩使君

諮議諸昆季

倚杖

陪王漢州畱杜綿州泛房公西湖

舟前小鷺兒

得房公池鴨

荅楊梓州

登樓

春歸

歸鴈

贈王侍御契四十韻

寄董卿嘉榮十韻

寄司馬山人十二韻

寄李員外布十二韻

歸來

王錄事許脩草堂費不到聊小詰

寄邛州崔錄事

過故斛斯投書莊二首

立秋雨院中有作

軍城早秋 嚴武

奉和軍城早秋

院中晚晴懷西郭茅舍

到村

宿府

遣悶奉呈嚴公二十韻

送舍弟頻赴齊州三首

嚴鄭公堦下新松

嚴鄭公宅同詠竹

奉觀嚴鄭公廳事岷山沱江畫圖十韻

晚秋陪嚴公摩訶池泛舟

初冬

至後

正月三日歸溪上

弊廬遣興奉寄嚴公

春日江村五首

絕句六首

絕句四首

杜工部集卷十三目錄終

杜工部集卷之十三

近體詩九十六首

居闕州及再至成都作

傷春五首

天下兵雖滿春光

一作青春

日自濃西京疲百戰

北闕任羣兇關塞三千里煙花一萬重

清露急御宿且

一作有

誰供殷復前王道思遷

舊國容蓬萊足雲氣應合總從龍

鷺入新年語花開滿故枝天青風捲幔草碧

水通池牢落官軍速蕭條萬事危髮毛元自
白淚點向來垂不是無兄弟其如有別離巴
山春色靜北望轉逶迤

日月還相鬪星辰屢合一作亦屢圍不成誅執法

焉得變危機大角纏兵氣鈎陳出帝畿煙塵

昏御道耆舊把天衣一云固無牽白馬幾至著青衣行在諸

軍闕來朝大將稀賢多隱屠釣王肯載同歸

再有朝廷亂難知消息真近傳王在洛復道

使歸一作通秦奪馬悲公主登車泣貴嬪蕭關

迷北上滄海欲東巡敢料安危體猶多老大

臣豈一作得無嵇紹血霑灑屬車塵

聞說初東幸孤兒却走多難分太倉粟競棄

魯陽戈胡虜登前殿王公出御河得無一作忍為

中夜舞誰一作宜憶大風歌春色生烽燧幽人

泣薜蘿君臣重修德猶足見時和

送梓州李使君之任故陳拾遺射洪人也篇末有云

籍甚黃丞相能名自潁川近看徐刺史還喜
得吾賢五馬何時到雙魚會早傳老思筇竹
杖一云筇杖冬要錦衾眠不作臨岐恨唯聽舉
最先火雲揮汗日山驛醒心泉遇害陳公殞
于今蜀道憐君行射洪縣爲我一潸然

王閬州筵奉酬十一舅惜別之作

萬壑樹聲滿千崖秋氣高浮舟一作雲出郡郭
別酒寄江濤良會不復久此生何太勞窮愁

但一作唯有骨羣盜尙如毛吾舅惜分手使君

寒贈袍沙頭暮黃鵠失侶自一作亦哀號

放船

送客蒼溪縣山寒雨不開直愁騎馬滑故作
泛舟廻青惜峯巒過黃知橘柚來江流大一作
自在坐穩興悠哉

奉待嚴大夫

殊方又喜故人來重鎮還須濟世才常怪偏

禩終日待不知旌節隔年迴欲辭巴徼啼鵲
台遠下荆門去鷁催身老時危思會面一生
襟一作懷抱向誰開

奉寄高常侍

一云寄高三十五大夫

汶上相逢年頗多飛騰無那故人何總戎楚
蜀應全未方駕一云價曹劉不啻過今日朝廷
須汲黯中原將帥憶廉頗天涯春色催遲暮
別淚遙添錦水波

奉寄章十侍御

時初罷梓州刺史東川留後將赴朝廷

淮海維揚一俊人金章紫綬照青春指麾能
事迴天地訓練強兵動鬼神湘西不得歸關
羽河內猶宜借寇恂朝覲從容問幽仄勿云

江漢有

一作老垂綸

將赴荆南寄別李劔州

使君高義驅今古寥落三年坐劔州但見文
翁能化俗一作蜀焉知李廣未封侯路經灑灑

雙蓬鬢天入滄浪一釣舟戎馬相逢更何日
春風迴首仲宣樓

奉寄別馬巴州

時甫除京兆功曹在東川

勳業終

一作真

歸馬伏波功曹非

無一云

復漢蕭

何

甫曾任華州司功

扁舟繫纜沙邊久南國浮雲水

上多獨把魚竿終遠去難隨鳥

樊作鳥

翼一相

過知君未愛春湖色與在驪駒白玉珂

泛江

方舟不用楫極目揔無波長日容盃酒深江
淨綺羅亂離還奏樂飄泊且聽歌故國流清
渭如今花正多

陪王使君晦日泛江就黃家亭子二首

山豁何時斷江平不肯流矜知花改岸始驗
鳥隨舟結束多紅粉歡娛恨白頭非君愛人
客晦日更添一作愁

有逕金沙軟無人碧草芳野畦連峽蝶江檻

本集卷十三
俯鴛鴦日晚煙花亂風生錦繡香不須吹急
管衰老易悲傷

南征

春岸桃花水雲帆楓樹林偷生長避地適遠
更霑襟老病南征日君恩北望心百年歌自
苦未見有知音

久客

羈旅知交態淹留見俗情衰顏聊自哂小吏
最相輕去國哀王粲傷時哭賈生狐狸何足
道豺虎正一作亂縱橫

春遠

蕭蕭花絮晚菲菲紅素輕日長唯鳥雀春遠
獨柴荆數有關中亂何曾劔外清故鄉一作園
歸不得地入亞夫營

暮寒

霧隱平郊樹風含廣岸波沉沉春色靜慘慘

暮寒多戍鼓猶長擊林鷲遂不歌忽思高宴
會朱袖拂雲和

雙鷺

旅食驚雙鷺

一作雙飛鷺

銜泥入此堂應同避燥

濕且復過

一作遇

炎涼養子風塵際來時道路

長今秋天地在吾亦離殊方

百舌

百舌來何處重重祗報春知音兼衆語整翮

豈多身花密藏難見

一云難相見

枝高聽轉新過

時如發口君側有讒人

地隅

江漢山重阻風雲地一隅年年非故物處處

是窮途喪亂秦公子悲涼

一云秋

楚大夫平生

心已折行路日荒蕪

游子

巴蜀愁誰語吳門興杳然九江春草外三峽

暮帆前厭就成都卜休爲吏部眠蓬萊如可
到衰白問羣仙

歸夢

道路時通塞江山日寂寥偷生唯一老伐叛
已三朝雨急青楓暮雲深黑水遙夢歸歸未
得一作夢魂歸亦得不用楚辭招

江亭王閩州筵餞蕭遂州

離亭非舊國春色是他鄉老畏歌聲斷一云短

愁隨吳作舞曲長二天開一云悲寵餞五馬爛

生一作輝光川路風煙接俱宜一云看下鳳皇

絕句二首

遲日江山麗春風花草香泥融飛鷺子沙暖
睡鴛鴦

江碧鳥逾白山青花欲燃今春看又過何日
是歸年

滕王亭子

在玉臺觀內王調露年中任閩州刺史

君王臺榭枕巴山萬丈丹梯尚可攀春日鷺
啼修竹裏仙家犬吠白雲間清江錦一作石
傷心麗嫩藥濃花滿目斑人到于今歌出牧
來遊此地不知還

玉臺觀

滕王造

中天積翠玉臺

一云虛

迺上帝高居絳節朝遂

有馮夷來擊鼓始知羸女善吹簫江光隱見
龍鼉窟石勢參差一云差池烏鵲橋更肯一云有紅

顏生羽翼

吳作翰

便應黃髮老漁樵

滕王亭子

寂寞春山路君王不復行古牆猶竹色虛閣
自松聲鳥雀荒村暮雲霞過客情尚思歌吹
入千騎把霓旌

玉臺觀

滕王造

浩劫因王造

一云起

平臺訪古遊綵雲蕭史駐

文字魯恭畱宮闕通羣帝乾坤到十洲人傳

有笙鶴時過此北一云山頭

渡江

春江不可一作渡二月已風濤舟楫欹斜疾

一作魚龍偃臥高渚花兼陳作素錦汀草亂

青袍戲問垂綸客悠悠見一作汝曹

喜雨

南國旱一作無雨今朝江出雲入空纔漠漠

灑迴已紛紛巢鷺高飛盡林花潤色分晚來

聲不絕應得夜深聞

送章郎司直歸成都

竄身來蜀地同病得章郎天下干一作戈滿

江邊歲月長別筵花欲暮春日鬢俱蒼一云

蒼色俱為問南溪竹一云抽梢合過牆余草堂

郭西

將赴成都草堂途中有作先寄嚴鄭公

五首

得歸茅屋赴成都直一云真為文翁再剖符但

使閭閻還揖讓敢論松竹久荒蕪魚知丙穴

由來美酒憶郫筒不用酤五馬舊曾諳小徑

幾回書札待潛夫

處處青江帶白蘋故園猶得見殘春雪山丘

埃無兵馬錦里逢迎有主人休怪兒童延俗

客不教鷄鳴惱比鄰習池未覺風流盡况復

荆州賞更新

竹寒沙碧浣花溪菱一作橘刺藤梢咫尺迷過

客徑須愁出入居人不自解東西書籤藥裏

封蛛網野店山橋送馬蹄一作青藉荒庭春

草一作新月色先判一飲醉如泥

常苦沙崩損藥欄也從江檻落風滿新松恨

不高一作長千尺惡竹應須斬萬竿生理祇憑

黃閣老衰顏一作容欲付一作赴紫金丹三年奔

走空皮骨信有人間行路難

錦官一作館城西生事微一作錦官生烏皮几
在還思歸昔去爲憂亂兵入今來已恐鄰人
非側身天地更懷古迴首風塵甘息機共說
總戎雲鳥陣不妨遊子芰荷衣

別房太尉墓

閬州

他鄉復行役駐馬別孤墳近淚無乾土低空
一云空山有斷雲對碁陪謝傅把劍覓徐君唯見
林花落鷺啼送客聞

自閬州領妻子却赴蜀山行三首

汨汨一作揖揖又作澁澁音蟄避羣盜悠悠經十年不成
向南國復作遊西川物役水虛照魂傷山寂
然我生無倚著盡室畏途邊

長林偃風色迴復一云首意猶迷衫裊翠微潤
馬銜青草嘶棧一云懸斜避石橋斷却尋溪
何日干一作兵戈盡飄飄愧老妻

行色遞隱見人煙時有無僕夫穿竹語稚子

入雲呼轉石驚魑魅揮弓落狄鼯真供一笑
樂似欲慰窮途

山館草堂本作移居公安山館

南國晝多霧北風天正寒路危行木杪身遠

樊作宿雲端山鬼吹燈滅厨人語夜闌鷄鳴

問前館世亂敢求安

行次鹽亭縣聊題四韻奉簡嚴遂州蓬

州兩使君諮議諸昆季

馬首見鹽亭高山擁縣青雲溪花淡淡一云漠漠

春郭水泠泠全蜀多名士嚴家聚德星長歌

意無極好為老夫聽

倚杖鹽亭縣作

看花雖郭內一云外倚杖卽溪邊山縣早休市

江橋春聚船狎一云野鷗輕白浪一云日歸雁喜

青一作清天物色兼生意淒涼憶去年

陪王漢州畱杜綿州泛房公西湖

舊相思追後春池賞不稀闕庭分未到舟楫
有光輝鼓化萼絲熟刀鳴鱸縷飛使君雙阜
蓋灘淺正相依

舟前小鵝兒

漢州城西北
角官池作

鵝兒黃似酒對酒愛新鵝引頸嗔船過一作過
無行亂眼多翅開遭宿雨力小困滄波客散
層城暮狐狸奈若何

得房公池鵝

房相西池鵝一羣眠沙泛浦白於一作如雲鳳
皇池上應迴首爲報籠隨王右軍

答楊梓州

悶到房公池水頭坐逢楊子鎮東州却向青
溪不相見迴船應載阿戎遊

登樓

花近高樓傷客心萬方多難此登臨錦江春
色來一云水流天地玉壘浮雲變古今北極朝廷

終不改西山寇盜莫相侵可憐後主還祠廟
日暮聊爲梁甫吟

春歸

苔逕臨江竹茅簷覆地花別來頻甲子倏忽
一作歸到又春華倚杖看孤石傾壺就淺沙遠鷗
浮水靜輕鷺受風斜世路雖多梗吾生亦有
涯此身一云且應醒復醉乘興卽爲家

歸鴈

東來萬里客亂定一云走幾年歸腸斷江城鴈
高高正一作向北飛

贈王二十四侍御契四十韻

往往雖相見飄飄媿此身不關輕紱冕俱是
避風塵一別星橋夜三移斗柄春敗亡非赤
壁奔走爲黃巾子一作爾去何瀟灑余藏異隱
淪書成無過鴈衣故有懸鶉恐懼行裝數伶
俚臥疾一云病頻曉鴛工迸淚秋月解傷神會

面嗟黧黑含悽話苦辛接輿還入楚王粲不
歸秦錦里殘丹竈花溪得釣綸消一作宵中祇
自惜晚起索誰親伏柱聞周史乘槎有漢臣
鴛鴻不易狎龍虎未宜馴客則一云掛冠至
交非領蓋新由來意氣合直取性情真浪跡
同生死無心恥賤貧偶然存蔗芋幸各對松
筠麤飯依他日窮愁怪此辰女長裁褐穩男
大卷書勻滿口江如練蠶崖雪似銀名園當

翠嶽野棹沒青蘋屢喜王侯宅時邀一作逢江

海人追隨不覺晚欵曲動彌旬但使芝蘭秀

何煩一作須棟宇鄰山陽無俗物鄭驛正留賓

出入竝鞍馬光輝叅一作忝席珍重遊先主廟

更歷少城闈石鏡通幽魄琴臺隱絳唇送終

惟糞土結愛獨荆榛置酒高林下觀碁積水

濱區區甘累趼稍稍息勞筋網聚粘圓鯽絲

繁煮細尊長一云歌敲柳瘦小睡凭藤輪農

月須知課田家敢忘勤浮生難去食良會惜
清晨列國兵戈暗今王德教淳要聞除狻猊
休作畫麒麟洗眼看輕薄虛懷任屈伸莫令
膠漆地萬古重雷陳

寄董卿嘉榮十韻

聞道君牙帳防秋近赤霄下臨千雪嶺一作千仞
雪却背五繩橋海內久戎服京師今晏朝犬
羊曾爛熳宮闕尚蕭條猛將宜嘗膽龍泉必

在腰黃圖遭污辱月窟可焚燒會取干戈利
無令斥候驕居然雙捕虜自是一嫖姚落日
思輕騎高一作秋天憶射雕雲臺畫形像皆爲
掃氛妖

寄司馬山人十二韻

關內昔分袂天邊今轉蓬驅馳不可說談笑
偶然同道術曾留意先生早擊蒙家家迎薊
子處處識壺公長嘯峨嵋北潛行玉壘東有

時騎猛虎虛室使仙童髮少何勞白顏衰肯
更紅望雲悲輶軻畢景羨冲融喪亂形仍役
淒涼信不通懸旌要路口倚劔短亭中永作
殊方客殘生一老翁相哀骨可換亦遣馭清
風

寄李十四員外布十二韻

新除司議郎
兼萬州別駕

雖尚伏枕
已聞理裝

名參漢望苑職述景題輿巫峽將之郡荆門

好附書遠行無自苦內熱比何如正是炎天
闊那堪野館疎黃牛平駕浪盡鷁上凌虛試
待盤渦歇方期解纜初悶能過小徑自一作
爲摘嘉蔬渚柳元幽僻村花不掃除宿陰繁
素奈過雨亂紅葉寂寂夏先晚泠泠風有餘
江清心可澄竹冷髮堪一云梳直作移巾几
秋帆發弊廬

歸來

客裏有所過

一作適

歸來知路難開門野鼠走

散帙壁魚乾洗杓開新醞低頭拭小盤

一云著小

冠憑誰給麴蘖細酌老江干

王錄事許修草堂費不到聊小詰

為噴王錄事不寄草堂費昨屬愁春雨能忘

欲漏時

寄邛州崔錄事

邛州崔錄事聞在果園坊

坊名在成都

久待無消

息終朝有底忙應愁江樹遠怯見野亭荒浩

蕩風塵

一作煙

外誰知酒熟香

過故斛斯校書莊二首

老儒艱難時病於唐蜀歎其沒

後方授一官英華注云公名融

此老已云歿鄰人嗟亦休

一云歎未休

竟無宣室

名徒有茂陵求妻子寄他食園林非昔遊空

堂總帷在浙浙野風秋

驚入非傍舍鷗歸祗故池斷橋無復板臥柳

自生枝遂有山陽作多慙鮑叔知素交零落
盡白首淚雙垂

立秋雨院中有作

山雲行絕塞大火復西流飛雨動華屋蕭蕭
梁棟秋窮途愧知已暮齒借前籌已費清晨
謁那成長者謀解衣開北戶高枕對南樓樹
溼風涼進江喧水氣浮禮寬心有適節爽病
微瘳主將歸調鼎吾還訪舊邱

軍城早秋

嚴武

昨夜秋風入漢關朔雲邊雪一作滿西山更
催飛將追驕虜莫遣一作沙場匹馬還

奉和

秋風嫋嫋動高旌玉帳分弓射虜營已收滴
博雲間戍更奪胡三省作次取蓬婆雪外城

院中晚晴懷西郭茅舍

幕府秋風日夜清澹雲疎雨過高城葉心朱

實看一作堪時落階面青苔先自生復有樓臺
街暮景不勞鐘鼓報新晴浣花溪裏花饒笑
肯信吾兼一作今吏隱名

到村

碧澗雖多雨秋沙先去聲陳作亦少泥蛟龍引子
過荷芰逐花低老去參戎幕歸來散馬蹄稻
梁須就列榛草卽相迷蓄積思江漢疎頑吳作
疎感一作感町畦稍吳作酬知己分還入故林

栖

宿府

清秋幕府井梧一作桐寒獨宿江城蠟炬一作燭
殘永夜角聲悲自語中天月色好誰看風塵
荏苒音書絕關塞蕭條行路難已忍伶俜十
年事強移栖息一枝安

遣悶奉呈嚴

吳本有鄭字

公二十韻

白水魚竿客清秋鶴髮翁胡爲來

一作居

幕下

木集卷二十三
紙台在舟中黃卷真如律青袍也

夜一音自公

老妻憂坐痺幼女問頭風平地專欹倒分曹
失異同禮甘衰力就義忝上官通疇昔論詩
早光輝仗鉞雄寬容存性拙剪拂念途窮露
裊思藤架煙霏想桂叢信然龜觸網直作鳥
窺籠西嶺紆村北南江遶舍東竹皮寒舊翠
椒實雨新紅浪簸船應坼杯乾甕卽空藩籬
生野徑斤斧任樵童束縛酬知己蹉跎効小

忠周防期稍稍太簡遂忽忽曉入朱扉啓昏
歸盡角終不成尋別業未敢息微躬烏鵲愁
銀漢駑駘怕錦幪會希全物色時放倚梧桐

送舍弟頻

草堂本
作穎

赴齊州三首

岷嶺南蠻北徐關東海西此行何日到送汝
萬行啼絕域惟高枕清風獨杖藜危時暫相
見衰白意都迷

風塵暗不開汝去幾時來兄弟分離苦形容

老病催江通一柱觀日落望鄉臺客意長東
北齊州安在哉

諸姑今海畔兩弟亦山東去傍干戈覓來看
道路通短衣防戰地匹馬逐秋風莫作俱流
落長瞻碣石鴻

嚴鄭公堦下新松 得霑字

弱質豈自負移根方爾瞻細聲聞 一作侵 玉帳
疎翠近珠簾未見紫煙集虛蒙清露霑何當

一百丈欹蓋擁高簷

嚴鄭公宅同咏竹 得香字

綠竹半含籜新梢纔出墻色侵書帙晚陰過
酒樽涼雨洗娟娟淨風吹細細香但令無剪
伐會見拂雲長

奉觀嚴鄭公廳事岷山滄江畫圖十韻

得忘字

滄水流 一作臨 中座岷山到 一作對 此 一作北 堂白

木集卷十三
波吹

一作侵

粉壁青嶂插雕梁直訝杉松冷兼

疑菱苕香雪雲虛點綴沙草得微茫嶺雁隨

毫末川蜺飲練光霏紅洲蘂亂拂黛石蘿長

暗谷

一作谷暗

非關雨丹楓

一作楓丹

不為霜秋成

一作

城

元圃外景物洞庭旁繪事功殊絕幽襟興

激昂從來謝太傅邱壑道難忘

晚秋陪嚴鄭公摩訶池泛舟

得溪字

湍駛風醒酒船迴

一作行

霧起隄高城秋自落

雜樹晚相迷坐觸鴛鴦起巢傾翡翠低莫須
驚白鷺為伴宿青溪

初冬

垂老戎衣窄歸休寒色

一云氣

深漁舟上急水

獵火著高林日有習池醉愁來梁甫吟干戈
未偃息出處遂何心

至後

冬至至後日初長遠在劔南思洛陽青袍白

馬有何意金谷銅駝非故鄉梅花欲開不自
覺棣萼一別永相望愁極本憑詩遣興詩成
吟咏轉淒涼

正月三日歸溪上有作簡院內諸公

野外堂依竹籬邊水向城蟻浮仍臘味鷗泛
已春聲藥許隣人斲書從稚子擎白頭趨幕
府深覺負平生

弊廬遣興奉寄嚴公

野水平橋路春沙映竹村風輕粉蝶喜花暖

蜜蜂喧把酒且

一作宜

深酌題詩好細論府中

瞻暇日江上憶詞源跡忝

一作寄

朝廷舊情依

節制尊還思長者轍恐避席爲門

春日江村五首

農務村村急春流岸岸深乾坤萬里眼時序

百年心茅屋還堪賦桃源自可尋艱難賤

一作

淺陳生理飄泊到如今

迢遞來三蜀蹉跎有一作六年客身逢故舊

發興自林泉過懶從衣結頻遊任履穿藩籬

無限景陳川本竝作頗無限恣意買一作江天

種竹交加翠栽桃爛熳紅經心石鏡月到面

雪山風赤管隨王命銀章付老翁豈知牙齒

落名玷薦賢中

扶病垂朱紱歸休步紫苔郊扉存一作晚計

幕府媿羣材燕外晴絲卷鷗邊水葉開鄰家

送魚鼈問我數能來

羣盜哀王粲中年名賈生登樓初有作前席

竟為榮宅入先賢傳才高處士名異時懷二

子春日復含情

絕句六首

日出籬東水雲生舍北泥竹高鳴翡翠沙僻

舞鷗一作鷄

藹藹花蘂亂飛飛蜂蝶多幽棲身懶動客至

欲如何

鑿井交椽葉

吳若本注交椽作井綆也

開渠斷竹根扁舟

輕裊纜小逕曲通村

急雨捎溪足斜暉轉樹腰隔巢黃鳥竝翻藻

白魚跳

舍下筍穿壁庭中藤刺

一作到

簷地晴絲冉冉

江白草纖纖

江動月移石溪虛雲傍花鳥棲知故道帆過

宿誰家

絕句四首

堂西長筍別開門塹北行椒却背村梅熟許

同朱老喫松高擬對阮生論

朱阮劔外相知

欲作魚梁雲復

一作覆

滿因驚四月雨聲寒青

溪先有蛟龍窟竹石如山不敢安

兩箇黃鸝鳴翠柳一行白鷺上青天窻含西

嶺千秋雪門泊東吳萬里船

西山白雪四時不消

本草集卷十三
藥條藥一作菜 甲潤青青色過棕亭入草亭苗
滿空山慙取礬根居隙地怯成形

杜工部集卷之十三

